

四庫全書

子部

欽定四庫全書

子部
職官分紀卷二十七

詳校官中書臣沈鳳輝

侍讀臣孫球覆勘

總校官編修臣王燕禔

校對官編修臣吳舒帷

謄錄監生臣黃楷

欽定四庫全書

職官分紀卷二十七

宋 孫逢吉 撰

太子六傅

禮記文王世子凡三王教世子必以禮樂樂所以修內也禮所以修外也禮樂交錯於中發形於外是故其成也懌恭敬而溫文立太傅少傅以養之欲其知父子君臣之道也太傅審父子君臣之道以示之少傅奉世

子以觀太傅之德行而審喻之太傅在前少傅在後入則有保出則有師是以教喻而德成也師也者教之以事而喻諸德者也保也者慎其身以輔翼之而歸諸道者也

大戴禮昔者周成王幼在襁抱之中太公為太師

前漢百官表太子太傅少傅古官屬官有太子門大夫庶子洗馬舍人

後漢百官志太子太傅一人中二千石本注曰職掌輔

導太子禮如師不領官屬少傅二千石本注曰亦以輔導為職悉主太子官屬

魏故事太傅于太子不稱臣少傅稱臣

晉職官志太子太傅少傅並古官也泰始三年武帝始建東宮各置一人尚未置詹事官事無大小皆由二傅並有功曹主簿五官太傅中二千石少傅二千石其訓導者太傅在前少傅在後皇太子先拜諸傅然後答之武帝後以儲副體尊遂命諸公居之以本位重故或行

或領時侍中任愷武帝所親敬復使領之蓋一時之制也咸寧元年以給事黃門侍郎楊珉為詹事掌宮事一傳復領官屬及楊珉為衛將軍領少傳省詹事遂崇廣傳訓命太尉賈充領太保司空齊王攸領太傅所置吏屬復如舊二傳進賢兩梁冠黑介幘五時朝服佩水蒼玉食俸日三斛太康二年始給春賜五十疋秋絹百疋綿百斤其後太尉洪南王亮車騎將軍楊駿司空衛瑾石鑒皆領傳保猶不置詹事以終武帝之世惠帝元康

元年復置詹事二傅給菜田六頃騶田六人立夏後不
及田者食俸一年置丞一人秩千石主簿五官掾功曹
史主記門下史錄事戶曹法曹倉曹賊曹功曹書佐門
下亭長門下書佐省事各二人給亦取安車一乘及愍
懷建宮乃置六傅三太三少以景帝諱師故改太師為
太保通省尚書詹事文書關由六傅然自元康之後諸
傅或二或三或四或六及永康中不復置詹事自太安
以來置詹事終孝懷之世渡江之後有太傅少傅不立

師保

周遷晉輿服志太子少傅銀印青綬兩梁冠絳朝服佩水蒼玉皆賜五時朝服二傅見太子則單衣介幘交拜今太子不拜少傅

傅暢晉公卿禮秩太傅立草少傅書真以為儲訓

張勃晉東宮舊事皇太子於二傅執弟子禮二傅入見太子至崇賢門迎太子為二傅拜各答拜入坐對坐

王隱晉書惠帝以衛楷為太子少師懷帝以光祿劉著

為太子少保

晉諸公讚惠帝以吏部尚書和嶠為太子少保

職官要錄晉太子六傳各有丞一人

三少舊視左僕射冠服同三大也

宋百官志太子太傅一人丞一人太子少傅一人丞一人古官也漢高帝九年以叔孫通為太子太傅位次太常漢并無丞魏世無東宮然則晉氏置丞也

沈約宋書太子少師保並晉置

隋百官志梁太子太傅一人位視尚書令少傅一人位

視左僕射天監初又置東宮常侍皆散騎常侍為之後
齊太子太傅太師太保是為三師掌師範訓導輔翊皇
太子少師少傅少保是為三少各一人掌奉皇太子以
觀三師之德出則三師在前三少在後隋太子置三太
三少開皇初置詹事二年定令罷之

唐百官志太子太師太傅太保各一員

並從一品師傅古官南朝不置

後魏北齊師傅品第二號東宮三太太子少師少傅少

保各一員

並正二品三少亦古官歷代或置或省南朝不置後魏北齊置品第三號東宮三少皇朝

定令正
二品

六典太子太師太傅太保各一人並從一品下

史記秦孝公使

商鞅設法而黜太子師傅則秦有其職也晉懷帝為太子又備六傅東晉明帝在儲宮置保傅而無二師皇朝

太子出則乘輅備儀太子三師以道德輔教太子者也至於動靜

起居言語視聽皆有以師焉太子少師少傅少保各一

人並正二品

隋氏降太師一等皇朝因之太子出入則乘輅備儀以為之後

凡三師三

少官不必備唯其人無其人則缺之

國朝自太師至率更令皆沿舊制除授而無職司惟建

儲闈即置三少賓客詹事庶子諭德中舍人舍人並他
官兼充其左右春坊並鑄印置吏員常時並省其常除
宮官者不職本宮之務皆無定員分莅中外之任

天禧四年以吏部尚書同中書門下平章事丁謂兼太
子少師樞密使吏部尚書同中書門下平章事馮拯兼

太子少傅曹利用兼太子少保

宰臣兼東宮
官自謂始也

元祐官品令太子太師太傅太保並從一品少師少傅
少保並從二品

天下端士

大戴禮選天下端士孝悌博聞有道術者以輔翌之故太子目見正事耳聞正言身行正

道左右前後皆正人也

左右前後皆正人

上明仁孝禮義以道習

之前

漢賈誼上疏曰古之王者太子乃生因舉以禮使士負之有司齊肅端冕見之南郊見於天也過闕則

下過廟則趨孝子之道也故自為赤子而教固已行矣昔者成王幼在襁抱之中召公為保周公為傅太公為

師保保其身體傅傳之德義師導之教訓此三公之職也於是為置三少皆上大夫也曰少保少傅少師是與

太子燕者也故乃孩提有識三公三少因明仁孝禮義以道習之遂去邪人不使見惡行於是皆選天下之端

士孝悌博聞有道術者以衛翌之使與太子居處出入故太子乃生而見正事聞正言行正道左右前後皆正

人也夫習與正人居不能無正猶生長於齊不能不齊言也習與不正人居之不能無不正猶生長於楚之地

不能不楚言也故擇其所嗜必先受業乃得嗜之擇其所樂必先有習乃得為之孔子曰少成若天性習貫如自然年少可久於事

晉山濤啟事皇太子始之東宮四海屬目保傅不可不高盡天下之選羊枯秉德義能克己復禮又年少尚可久

於其事出入周旋令太子每親儀型方任雖重此猶輕東宮少事養德而已又可朝會與聞德義

生即置輔弼

唐太宗謂庶子于志

寧曰古者太子既生使士負之即五日一赴資善

堂國朝宰臣丁謂等謂自今兼太子師傅十日一赴資善堂賓客以下雙日更互陪侍講學上甚

悅命五日一赴資善堂

太師

亡一鏡

唐貞觀十六年太子太師魏玄成薨帝追思不

鏡可以知興替以人為鏡可以明得失朕常保

遺表書

之於笏

魏玄成薨太宗謂侍臣曰玄成亡後朕遣人至

稍可分辨云天下之事有善有惡任善人則國安用惡

人則國亂公卿之內有愛有憎憎者唯見其惡愛者唯

見其善善愛憎之間所宜詳慎若愛而知其惡憎而知其

善去邪勿疑任賢勿二可以興矣其遺表如此然在朕

太傅

諫易太子

前漢叔孫通為太子太傅高帝欲以趙王如意易太子通諫曰昔者晉獻公以驪姬故廢

太子立奚齊晉國亂數十年為天下笑秦以不早定扶蘇胡亥詐立自此滅祀此陛下所親見今太子仁孝天下皆聞之呂后與陛下攻苦食淡其可背哉陛下必欲廢適而立少臣願先伏誅以頭血汙地高帝曰公罷矣吾特戲耳通曰太子天下本一搖天父子並為師傅下震動奈何以天下戲高帝曰吾聽公父子並為師傅疏廣字仲翁少好學明春秋徵為博士太中大夫地節三年立皇太子選兩吉為太傅廣為少傅數月吉遷御史大夫廣徙為太傅廣兄子受字公子亦以賢良舉為太子家令受好禮恭謹敏而有辭頃之拜受為少傅太子外祖父平恩侯許伯以為太子少迺使其弟中郎將舜監護太子家上以問廣廣對曰太子國儲副君師友必為天下英俊不宜獨親外家許氏也且太子自有太傅少傅官屬已備今復使舜護太子家非所以廣太子

德於天下也上善其言益見器重數受賞賜太子每朝因進見太傅在前少傅在後父子並為師傅朝廷以為榮其後父子俱移病上疏乞骸骨歸老故鄉上許之賜黃金二十斤皇太子贈以五十斤公卿大夫故人邑子設祖道供帳東都門外送者車數百輛辭決而去及道路觀者皆曰賢哉二大夫或且相與歎息為之下泣馬

以論語禮服授太子

蕭望之自御史大夫左遷為太子太傅以論語禮服授皇太子是時

周堪為少傅太子即位是為孝元帝望之堪本以師傅見重上即位數宴見言理辭直上甚納之其後望之以事下獄收前將軍蕭望之傳朕八年道以經術厥功茂焉其傳故前將軍蕭望之傳朕八年道以經術厥功茂焉其賜望之爵恭謹舉朝無與比萬石君石奮孝文時官至太中大夫無文學恭謹舉朝無與比太子太傅缺選可馴行孝謹石奮子慶馴行傳者皆推奮遂為太子太傅

石元狩元年立太子選羣臣可素服五日以報師傅之

恩夏侯勝為太子太傅受詔撰尚書論語賜黃金百斤

年九十卒于家賜冢塋葬平陵太后賜錢二百萬為勝

素服五日以報師傅之恩儒者以為榮屏居藍田山景帝立太子以賓嬰

嬰爭不能得謝病屏居藍田山下數月諸賓客辯士

說莫能入梁人高遂乃說嬰嬰然之遂起朝請如故

先帝名臣後漢明帝以鄧禹用天下之賢才後漢桓榮

宗始立為太子選求明經乃擢榮弟子豫章何湯為虎

賁中郎將以尚書授太子世祖從容問湯本師為誰對

曰事沛國桓榮帝即召榮說尚書甚善之拜為議郎又

使授太子世祖嘗大會百官詔問誰可傳太子者羣臣

承望上意皆言太子舅執金吾原鹿侯陰識可博士張

侯正色曰今陛下立太子為陰氏乎為天下乎即為陰

氏則陰侯可為天下則固宜用天下之賢才帝稱善曰
欲置傅者以輔太子也今博士不難正朕況太子乎即
拜侯為太子太傅而以榮為少傅賜以輔車乘馬榮大
會諸生陳其車馬印綬曰今日所蒙稽古之力也可不
勉博選名儒後漢班彪字叔皮以東宮初建諸王國並
開而官屬未備師保多闕上言曰昔成王

之為孺子出則周公召公太公史佚入則太顛閎夭南
宮括散宜生左右前後禮無違者故成王一日即位天
下曠然太平漢興太宗使晁錯導太子以法術賈誼教
梁王以詩書及至中宗亦令劉向王褒蕭望之周堪之
徒以文章儒術保訓東宮今宜博選名琢磨王質應劭
儒有威量明通政事者以為太子太傅
太子太傅日就月將琢磨玉質
言太子有玉質琢磨以道也
中東門君東觀漢記張
堪字子孝為
太子太傅及郭后廢因稱疾拜太中大夫病居中
東門候舍故時人號中東門君帝數存問賞賜
月朔

入見太子

魏志何夔字叔龍為太子太傅每月朔太傅入見太子太子正法服而禮焉

明嫡

庶之分

吳志吳紱達太子太傅遭二宮之變抗言執正明嫡庶之分欲使魯王出駐夏口達楊竺不得

令在都邑又數以消息與陸遜遜時駐武昌連表諫爭由此為竺等所譖害

受詔輔太子

孫

震疾微大將軍諸葛恪為太子太傅會稽太守滕清為太常并受詔輔太子

對賈誼過秦論

關澤拜太傅中書孫權常問書傳篇賦何者為美澤欲諷諭以明治亂因對賈誼過秦論最善權覽讀焉

其名儒以禮召

程秉字德樞後事鄭玄避亂交州與劉

史權聞其名儒以禮當今無輩

張溫少修節操容貌奇偉權聞之以問公卿曰

溫當今與誰為比大司農劉基曰可與全琮為輩太常顧雍曰基未詳其為人也溫今無輩權曰如是張允不

死也微到延見文辭占對觀者傾竦權改容加禮罷出
張昭執其手曰老夫託意君宜明之拜議郎遂曹尚書

徒太子
崇敬二傅
徐廣晉記太尉荀顗領太傅侍中任
顗領少傅制太子拜太傅少傅如弟

子師之禮二傅不得上疏曲敬習鑿齒晉武帝時有司
奏東宮二傅禮儀不同帝曰崇敬師傅所以尊教前世

之令典也何論臣與
獻箴
晉齊王攸為太子太傅獻箴
太子曰保相之材必揮賢明

保相擇賢明
上一時儒宗
虞預晉書賀循為太子太傅時
朝廷初建動有疑議宗廟制度

皆循所定朝野誥
躬訓儲宮
晉中興書賀循字彥先為
太子太傅詔曰循清真履

道秉尚貞貴居身以冲約為本立德
別供一案
唐太宗
伐高麗

以仁讓為行躬訓儲宮默而成化
皇太子定州監國高士庶攝太子太傅仍典朝政皇太
子下令曰攝太子太傅士庶朝望國華儀刑攸屬寡人

忝膺監守實資訓導此日聽政當屈同榻庶因語白以祛蒙滯但據案奉對情所未安所司宜別以一案供太傅士庶固賜宅于志寧遷太子太傅常與右僕射張行成中書令高季輔俱蒙賜宅志寧奏曰臣居闕右代襲箕裘周魏以來基址不墜行成等新營莊宅尚少田園于臣有餘乞申私讓帝嘉其意乃分賜行成病中吟詠不輟白居易授太子太傅進封馮翊縣令輔病中吟詠不輟開國侯四年冬得風疾伏枕者累月乃放諸妓女樊蠻等仍自為墓誌病中吟詠不輟

太保

開府加

劉寔字子真以特開府加太子太保特進行懷帝以荀組為侍中特進行太子太保

行領各隨其時

賈充為太尉行太子太保以公為位重而為傅保行領各隨其時充性烈意在

明才前後所直臣顯祖將禪位於京兆王子推隴西王
援必欲終始直臣源賀並固讓陸馥進言曰皇太子聖
德承基四海屬望不可橫議干國之紀臣請劾頸殿廷
有死無二久之帝意解詔曰馥直臣也其能保吾子乎
遂以為分臺省班於東西國朝王溥乾德二年罷為太
太保

之後太祖因見溥謂左右曰溥舊相
當寵異之即令分臺省班于東西

少師

黃瓠

後魏郭祚領太子少師祚曾從世宗幸東宮明帝
幼弱祚持一黃瓠出奉之時應詔左右趙桃弓與

御史中尉王顯送相唇齒深為帝所信祚私
事之時謗祚者號為桃弓僕射黃瓠少師

太子引上

殿親拜

唐李綱拜太子少師之時綱有脚疾不堪踐履
太宗特賜步輿令綱乘至閣下數引入禁中問

以正道又令與入東宮皇太子引上殿親拜之綱於是陳君臣父子之道問寢視膳之方理順詞直聽者怠倦

古難其選

貞觀十三年以右僕射房玄齡為太子少師玄齡上表遜位詔不許太宗因謂侍臣曰太

子師保古難其選若成王幼小以周公為傅左右皆賢日聞雅訓自幼及長便為聖君秦之胡亥趙高傅之教

以刑法及其立也誅功臣殺親族慘酷不年力雖衰進已旋踵而亡以此言之善惡由於習近也

取彌銳

唐休璟年力雖衰進取彌銳時尚官賀婁氏用事休璟乃為其子娶賀氏養女以為妻因以自

達由是起為太子少師為時所讖

乘小馬入內省

許敬宗為太子少師乾德初以年老不能

行步特令與司空李勣每朝自卑損不敢修謁房玄齡日各乘小馬入禁門至內省

少師時皇太子將行拜備儀以待之玄齡深自卑損不敢修謁遂歸于家有識者重其崇讓

割仙韶

院料錢

王起遷太子少師判兵部事侍講如故以其家貧詔每月割仙韶院料錢三百千添給起富於

文學而理家無法俸料入門即為僕妾所有帝以師友之恩特加周給議者以與伶官分給咸為恥之

少傅

父子並為師傅

前漢疏廣見太傅門

彊起傅太子

上謂張良曰子房雖疾彊起傅

太子時叔孫通已為太傅良行少傅事

上書陳便宜

匡衡為太子少傅數以上書陳便宜又朝

廷有政議即援經以對言多法義上以為可任公卿

今日所蒙稽古之力

見太傅門用天

下之賢才注從學者萬人

後漢張興字君上拜太子少傅顯宗數訪經術既而聲稱著聞弟子

從學者以庶代宗先世之戒

魏志邢顒初太子未定而臨苗侯植有寵丁儀等並

贊翼其美太祖問顯顯對曰以庶代宗先世之戒也願
陛下深重察之太祖識其意以為太子少傅遷太傅

天下談士舉坐傾心晉山濤太子少傅在東宮以年七十疾病求退有詔不許尋講武於

宣武塲時濤有疾詔乘步輦從因與盧欽講論用兵本
意武帝欣然而言曰山少傅天下談士也舉坐傾心

門下車騎數百而善應接王雅為太子少傅時朝望屬王珣珣亦頗以自許及中詔

用雅乘遂赴雅馬將拜遇雨詣以繖入王珣不許之因
冒雨而拜雅既責倖戚權甚振門下車騎常數百而善

應接傾三世傳東宮吳志薛綜為太子少傅子瑩孫皓時又為太子少傅晉平吳瑩子庶

元帝時亦為太子少傅崇敬二傳見太內管銓衡外參

傳訓晉中興書周顗字伯仁拜太子少傅上疏曰臣退
自省學不通一經智不効一官也忘臣頑蔽乃欲

使臣內管銓衡外參傳訓質輕蟬翼事接以賓友禮南史
重千鈞此之不可不待識者而明矣

拜太子少傅舊太子敬二傳同太子南面再拜陳書孝
至是朝議接少傅以賓友禮

東宮宣武皇帝欲以崔光為太子師傳光固辭帝令太
子南面再拜宮臣皆從太子拜光北面立不敢答拜唯

西面拜謝而出箴傳立為太子少傅箴曰夫金木無常
乃授太子少傅方圓應形亦有隱怙習與性成故近

朱者赤近墨者黑聲和則響清形正則影直正人在側
德義盈堂鮑肆先入蘭臺不芳傳臣司訓敢告君王

二傅不拜王隱晉書何曾議太子少傅當稱臣拜荀顗
曰太之與少自二傅之名次爾非為天子有

輕重也詔曰秦漢以來舊章廢滅隨時改作塞塞正直
其舊不可依用宜為古義遂定二傅不拜

東觀漢記王丹為太箴後魏肅大園為太子少傅以任
子少傅塞塞正直當師傅調護是職乃作少傅箴

曰惟王建國辨方正位左史記言右史書事莫不立太子為皇之貳是以易稱明夷禮云上嗣東庠養德震方主器束髮就學宵旰推便肄朝讀百篇乙夜乃寐愛日惜力寸陰無棄視膳再飯寢門三至小心翼翼大孝烝烝詢謀計慮問對疑丞安樂必敬無忘戰兢天道福謙人道惡盈漢嗣不絕乎馳道魏儲回環乎鄴城前史攸載後世揚名三善既備百國以貞姬周長久實賴元良竊秦短祚誠由少陽雖卜年七百有德至歷而昌數世一萬無德不及而亡敬之敬之天惟顯思光福皇極永弗固洪基箴規諭教敢告職司太子見而悅之致書勞問

子鮑魚

賈誼新書昔周文王使太公傅太子發嗜鮑魚而公弗予太公曰禮鮑魚不登於俎豈有非禮

可以養忿爭降秩

國朝詔吏部侍郎鮑魚不登於俎豈有非禮太子哉

班初丁謂與迪各降秩一級謂知河南府迪知鄆州尋復留之不及宣制止命中書草詞行下以兵部侍郎參

知政事任中正等為賓客詹事俄以迪忿爭故太子議
改詔書及謂等四制不下而中正等先進秩焉先是迪
與冠準同在中書事準甚謹準所挾姦不公迪不敢阻
準既得罪謂等頗輕之迪不能堪至是輔臣例兼官官
迪以當達尚書又故事兩省侍郎無兼左右丞者蓋謂
深欲抑之故迪益忿又謂素善林特改為詹事明日侍
漏院又欲奏特為樞密副使仍領賓客迪曰特去歲右
丞今踰年改尚書入東宮皆非公選況奏除詹事不可
改也因詬謂皆不答同列極力和解不聽遂力爭上前
期必與謂俱罷已而上御承明殿召丁謂詢其紛競之
故謂從容陳叙且言李迪自喧悖臣不當與之俱罷賜
對久之於是遣入內都知張景宗副都知鄧守恩傳詔
送謂赴中書令依舊視事仍命與馮拯
曹利用俱進秩領官官以迪知鄆州

少保

直士

唐李綱拜禮部尚書兼太子詹事頻乞骸骨高祖慢罵之曰卿為潘仁長史何乃羞為朕尚書且建

成在東宮遣卿輔導何為屢欲辭乎綱頓首陳謝曰潘仁賊也誠好殺害每諫使止所活極多為其長史故得無愧陛下功成業大頗自矜伐臣事太子所懷鄙見復不採納高祖謝曰知公直士勉弼我兒於是擢拜太子少換散秩長慶中以兼太常卿趙宗儒為太子太保太馬至是中人掌教坊之樂者移牒取之宗儒不敢違以牒白宰相宰相以為事在有司執守不令闕白而宗儒憂恐不已宰相以為懦怯故換以散秩

手勅稱名

李綱為太子少保高祖以其隋氏名臣甚加優

禮手勅未嘗不稱名其見重如此

舉朝服其度量

唐書李適之為右相李林甫密奏其好酒

頗妨政事玄宗惑焉乃除太子少保適之遽命親故歡會賦詩曰避賢初罷相樂聖且銜盃為問門前客今朝

幾箇來舉朝品序非便國朝天禧四年以資政殿大學士服其度量太子少保王欽若為司空職如故欽若以輔臣兼領東宮三少以輔臣兼領上品序非便表求換秩故有是命

賓客

唐百官志太子賓客四員

正三品古無此官皇朝顯慶始置此官也掌侍從

規諫贊相禮儀宴會則上齒

貞觀十八年以宰相兼賓客開元中定員四人

六典太子賓客四人正三品

漢書高祖欲廢太子呂氏用張良計致商山四皓以

為賓客又孝武皇帝為太子立博望苑使通賓客則其義也若有宴賜諸司掌宮太子賓則皆遇焉建中四年

加二人興元元年又加四人貞元四年復舊四人

國朝天禧四年十一月參知政事任中正樞密副使錢

惟演參知政事王會並兼太子賓客

執政官兼東宮官自中正始也

元祐官品令太子賓客從三品

賓友

晉愍懷太子在東宮選大臣子弟有名稱者以為賓友

東賓客

愍懷太子始之東宮惠帝

詔曰適嗣幼蒙始之東宮惟賴師傅羣賢之訓其遊處左右宜得正人能相長益者太保衛瓘司空隴西王泰

太子太傅楊齊太子少師裴楷太子少傅華廣皆德業純茂遊道義之門有不肅之訓其令五人

更相往來與太子習處備賓友也其時雖非陳邦國之

官而謂之東賓客皆選文義之士以侍儲皇大本唐書鄭蕭開元二年詔拜吏部侍郎帝以蕭嘗侍

太子言論典正復令兼太子賓客為東宮授經既

而太子失寵上不悅有廢斥意召蕭見深陳邦國之大本君臣父子之大義上乃改容深嘉之調護之地將作監王堪修奉太廟弛慢罰俸仍改為太子賓客制出李固言封還曰東宮調護之地不可令弛慢被罰之人處改隱居不預其禍封武攸緒少有志行天授中為均王傅隱居不預其禍封安平郡王出為揚州大都督長史慶歷中棄官隱于嵩山以琴書藥餌為務中宗即位以安車召至都校太子賓客尋請歸山從之及三思延秀等構逆諸武多坐誅戮惟見太子如師傅之攸緒以隱居不預其禍時論美之

禮國朝至道元年尚書左丞李至禮部侍郎李沆並薦太子賓客見皇太子如師傅之禮上召謂至等曰朕以太子仁孝賢明尤所鍾愛今立為儲貳以為國本當須正人輔之卿等可盡心調護若動皆用禮必須贊成如事稍有未當不可隨順至於禮樂詩書之道可以裨益太子者皆卿等素習不假朕多訓也至等頓首稱謝

賓客為宰相

東齊記事李文定公為叅知政事時仁皇為太子文定兼賓客一日召對滋福殿欲

相之固辭俄而太子出謝曰蒙恩以賓客為宰相真宗顧謂曰尚可辭耶乃拜吏部侍郎兼太子太傅同中書門下平章事久之與丁謂爭事罷天下之人皆以亮直許之

詹事府詹事

前漢百官表詹事秦官也

詹者給也

掌皇后太子家有丞

屬官有太子率更家令丞僕中盾衛率厨廐長丞

漢書竇嬰太后兄子也景帝即位為詹事文帝以鄭當

時為景帝詹事昭帝以韋賢為詹事

後漢百官志長秋本注曰丞秦有詹事一人位長秋上亦有官者主諸中官成帝省之以其職并長秋是後皇后當法駕出則中謁宦者職吏權兼詹事奏引訖罷應劭漢官儀詹事秦官秩二千石

晉職官志

見太子六傳門

宋百官志太子詹事一人丞一人職比臺尚書今領軍將軍詹省也漢西京則太子門大夫庶子洗馬舍人屬二傅率更令僕衛率屬詹事皆秦官後漢省詹事太子

官屬悉屬少傅而太傅不復領官屬晉初太子屬官通屬二傅咸寧元年復置詹事二傅不復領官屬詹事二千石

齊職儀詹事品第三

茂陵書詹事二千石銀章青綬局擬尚書令位視領護將軍
隋百官志梁置詹事任總宮朝二傅及詹事各置丞
功曹主簿五官後齊詹事總東宮內外衆務事無大小
皆統之府置丞功曹五官主簿錄事員領家令率更令

僕等三寺左右衛二坊隋開皇初置詹事二年定令罷之

唐百官志詹事一人正三品少詹事一人正四品上掌
統三寺十率府之政少詹事為之貳皇太子書稱令
庶子以下署名奉行書案畫日丞二人正六品上掌判
府事知文武官簿假使凡勅令及尚書省二坊符牒下
東宮諸司者皆發焉主簿一人正七品上錄事二人正
九品下

六典太子詹事府詹事一人正三品

晉以保傅位尊不宜親細務武帝咸

寧初用黃門侍郎楊璠為詹事掌東宮之任璠遷為少傅後惠帝元康中復置永康中齊王冏輔政復省太安中復置懷帝又省江左復置晉令品第三銀章青綬絳朝服兩梁冠其後用人漸重或以令僕射領之梁定十八班班第十四陳因之後魏置左右二人其後惟置一人初第二品下太和末降第三品後周置太子宮正官尹龍朔二年改端尹咸亨復舊天少詹事一人正四品授中改為少尹神龍元年復舊

上皇朝置龍朔二年改為少尹咸亨復舊丞三人正六品舊天授中復為少尹神龍元年復舊

上漢因秦置詹事丞秩六百石後漢省至魏晉皆隨詹事置省永康中省詹事特置丞一人文書闕六傳晉令詹事丞一人品第七銅印墨綬進賢一梁冠皂朝服局擬尚書左右丞過江多用員外郎及博士為之遷為

尚書郎宋齊品服同晉氏梁陳品第八後魏初從三品
中太和末第七品上北齊第七品下隋初置一人皇朝
加至二人龍朔二年改為端尹丞咸亨元年
年復故天授中又改為宮尹丞神龍復故主簿一人從
七品上晉始置主簿史闕其員品自宋至隋詹事府皆
有正官功曹主簿史亦闕其員品皇朝置一人
龍朔咸亨天授神
龍並隨府改復

國朝元祐官品令太子詹事從三品少詹事正六品

正傳梁王

前漢竇嬰字正遯景帝時為詹事帝弟梁孝王女竇太后愛之酒酣上曰千秋萬歲後傳

梁王太后歡嬰引酒卮進上曰天下者高帝天下父授子相傳漢之約也上何以得傳梁王太后由是憎嬰授

皇太子經

孔霸孔子之後也漢宣帝時為太

椒房率更

領其材

漢武栢梁詩板房率更領其材

世稱裁斷

晉書卞壺為詹事世稱裁斷切直裁實出

於事妙簡材賢

武帝以王恭為丹陽尹領詹事恭讓表曰今日王儲始建四方是式總司之任

崇贊所由宜妙簡材賢盡一

彈肅一時

王珣答徐邈書曰詹事彈肅一

時如尚書非例不行詹事語王淮卿可覓此例准對曰

今中丞矣臣當出外尋訪淮後見主上問近所道事卿已得例未

准曰謝琰表僕射領詹事琰即謝公之子恐夷非其例

事遂不行戚貴西京風嘉東國齊孔稚珪讓詹事表皇太子

之英振落笙之韻向非器上白雲韻同明月何以延芳芝苑神缺條實嬰戚貴于西京陸暄風嘉于東國伊

人之美方曰可居臣宮端梁江總自左戶尚書轉太子

亦何斯而敢忝冒詹事總性寬和溫裕尤工五

七言詩溺于浮靡及為宮
端與太子為長夜之飲
輔弼非材陳後主在東宮欲以江總為太子詹

事今管記陸瑜言于孔奐奐曰江總有潘陸之才而無
園綺之實輔弼儲貳均謂非材後主深以為恨乃自言
于宣帝將許之奐乃奏曰江總文華之人今皇太子文
華不少無藉于總如臣愚見願選敦重之材以居輔導
帝曰誰可奐曰都官尚書王廓代有懿德立性敦敏可
以居之後主時在側乃曰廓王泰之子不可居太子詹
事奐又曰宋朝范曄即范泰之子亦為太
子詹事後主固爭之帝遂以總為詹事
選敦重之才

以居輔導上儲端華重實異常司梁陸倕除詹事讓免表云儲端

華重實諫近闕官深加勉勞唐于志寧為太子詹事太子承乾令闕官

多在左右上書諫之及承乾敗太宗謂志寧曰知公數
有規諫深加勉勞以右庶子令孤德素等無諫者皆從

賁屈階資

高宗為皇太子轉李勣為太子詹事左衛率加位特進同中書門下三品太宗謂曰我兒

新登儲貳卿舊長史今以宮事相委故有此授雖屈階資可勿怪也及太宗寢疾謂高宗曰汝於李勣無恩今

我將責出之我死之後汝當授以僕射即荷汝恩必能致其死力乃出勣疊州都督高宗即位其月召拜洛州

刺史尋又拜

太師上事

見太師門

外詹事

嚴挺之為李林甫所嫉及移守

絳郡玄宗嘗謂林甫曰嚴挺之何在此人亦堪進用林甫乃召其弟損之至門叙故云當授子員外郎因謂之

曰聖人視賢兄極深要須作一計入城對見當有大用全損之取絳郡一狀云有小風氣請入京就醫林甫將

狀奏云挺之年高近患風且須授門官就醫玄宗歎叱久之林甫奏授員外郎詹事便令東京養疾挺之至東

京鬱鬱不得志成疾其班位失序

蘇年改太子詹事初年九月寢疾終于洛陽班位失序殿中

侍御史鄒儒立對仗彈之午於金吾待罪數刻特釋放
舊制太子詹事班次太常宗正卿之下貞元三年御史
中丞竇參叙定班次移太子詹事在河南太守尹之下
午乃引舊班制位臺官詰之仍紹云已白宰相諸依舊
故為儒薦侍讀褚无量劉憲見四上書諫姚瑱遷詹事
立彈之薦侍讀褚无量侍讀門四上書諫姚瑱遷詹事
庶左庶子節
愍太子稍失道瑒凡四上書諫太子雖稱善不
用其言及敗索宮中得瑒諫書中宗嘉歎焉

少詹事

沿革見
詹事門

送公衣錦還鄉

唐張行成轉太子少詹事太宗東征太
子于定州監國即行成成本邑太宗謂行

成曰送公衣錦還鄉于
是令有司祀其先人墓

司直

六典太子司直二人正七品上

皇朝龍朔二年置桂坊比御史臺置令一人比

御史大夫司直二人比御史職在彈劾以肅宮寮其後廢桂坊以司直隸詹事府掌彈劾宮寮

糾舉職事凡皇太子朝宮臣則分知東西班凡諸司文武應參官每月皆具可否以判正焉凡諸率府配兵于職掌者亦如之皆受而檢察其過犯者隨以彈啓若皇太子監國詹事及左右庶子為三司使則司直一人與司議舍人分日受啓狀詳其可否以申理之若皇太子出則於鹵簿分內以糾察

職官分紀卷二十七

欽定四庫全書

職官分紀卷二十八

宋 孫逢吉 撰

太子左春坊

左庶子

中庶子附

禮記燕義古者周天子之官有庶子官庶子官職諸侯卿大夫士之庶子之卒音悻掌其戒令與其教治庶子猶諸子也

周禮諸子之官司馬之屬也

前漢百官表太子太傅少傅屬官有庶子

後漢百官志太子庶子四百石本注曰無員如三署中郎又太子中庶子一百石本注曰員五人職如侍中

晉職官志中庶子四人職如侍中庶子四人職比散騎常侍及中書監令

宋百官志中庶子四人漢東京員五人晉減為四人秩六百石沈約宋書中庶子漢置古者世祿卿大夫之子即為副倅謂之國子天子諸侯世子必有庶子官以掌

教之

隋百官志梁中庶子四人高功者一人為祭酒庶子掌侍從左右獻納得失高功者一人與高功舍人共掌其坊之禁令後齊門下坊中庶子四人又領殿內典膳藥藏齋師等局典書坊庶子四人又領典經坊洗馬八人守舍人二人門大夫門坊大夫主簿各一人并統於官西涼二部伶官清商二部隋門下坊置左庶子典書坊右庶子二人

唐職官志左春坊左庶子二人

正四品上龍朔二年改左庶子曰左中護改門

下坊為左春坊咸亨復舊景雲二年復改左春坊

唐官品志中庶子四人高功者一人為祭酒行則負璽前後部護駕庶子四人掌侍從左右獻納得失高功者一人與高功者舍人共掌其坊之禁令

環濟要畧庶子主中宮并諸吏之適子及支庶在版籍者也行其秩序作其徒役授八次八舍之職以徵候

六典太子左春坊左庶子二人正四品上

秦置中庶子員漢太子太

傳屬官有庶子王莽改曰中尚翼子後漢太子少傅屬官有太子中庶子員五人秩六百石庶子無員數秩四百石魏因之晉太子詹事有中庶子庶子各四人局擬散騎侍郎品第五班同三令四率在中書侍郎下絳朝服武冠平巾幘高功中庶子與高功中舍人共掌禁令糾正違闕侍從左右擯相威儀盡規獻納奏事文書皆典綜之釋奠中庶子扶左庶子扶右宋文帝元嘉初詔中庶子隨太子入直上宮十四年又詔還直東宮梁中庶子庶子各四人庶子高功者一人為祭酒行則負璽前後部護駕班第十一從四品庶子班第九從五品陳因之後魏有太子中庶子員北齊有門下坊中庶子四人領之有典書坊庶子四人領之中庶子第四品上隋門下典書坊各置左右二人領之至是始改為左右矣左庶子正四品上右庶子正四品下皇朝因龍朔二年改門下坊為左春坊凡庶子為左庶子之職掌侍從贊太子左中護咸亨元年復故

相禮儀校正啓奏監省封題中允為之貳凡皇太子從大祀及朝會出入則版奏外辦中嚴入則解嚴焉凡令書下左春坊則與中允司議郎等覆啓以畫諾及覆下以皇太子所畫留為案更寫令書印署注令諾送詹事府若皇太子監國事左尚書省如令書之法

國朝至道元年八月詔皇太子判開封府有司言唐制皇太子處分論事之書并畫諾令左右庶子以下宣奉行望自今開封府上表皇太子親書其餘止本府判官

等署名其斷案及處分公事並畫諾用左春坊印詔改
諾為准餘依有司之請

元祐官品令太子左右庶子從五品

以肅敬見稱

前漢王商字子威為太通詩馮野王通詩
子中庶子以肅敬見稱

子中授經

歐陽地餘字長賓為
中庶子授皇太子經

有志行

成帝以傳喜有
志行為太子庶

子正色不撓

魏志鮑勛字叔業清白有高節知名
當世為中庶子在東宮正色不撓

規諫

得切磋之體

蜀志後主立太子璿以霍弋為中庶子璿
好騎射出入無度弋援引古義盡言規諫

甚得切磋之體

官最親密

吳志孫登為太子時太傅張溫言于
孫權曰太子庶子官最親密切問近

對宜用雋選于是乃用陳表等為中庶子後又以庶子禮拘復令整中侍坐獻侍臣晉溫

中庶子獻侍臣王珣啓改桓官總門下不可不得其才謙為中庶子

曰東宮之選中庶子官總門下尤不可不得其才沈靜履素守學好古晉起居注武

年詔男子皇甫謐沈靜履素守學好古有正始遺風宜

為官職齊書袁粲言于帝曰臣觀張緒有欲使太子有

風法留瑒為承華正欲使太子微有瑒風法爾久留承

華上儲選難其人陶氏家傳侃遷太子中庶子詔曰君

行聞于時儲選殊難其人特召君焉宮臣受命天朝王隱晉書鄭默為中

官屬宜稱陪臣。默上言：皇太子體皇極之尊，不奪其志。

咸寧元年，詔男子皇甫士安為中庶子，固僚屬莫與比。

辭篤疾，皆見敦迫，上怒其所執，不奪其志。僚屬莫與比。

晉中興，書溫嶠拜中庶子。東以孝行稱，殷仲堪父病積年，

居喪哀毀，以孝行稱。孝武聞其名，召為太子中庶子，甚相親愛。二帝並親愛，肅宗之在

領中庶子，于時中興肇構庶事，革創衍經，學深博又練識舊典，朝儀軌制多取正焉。由是元明二帝並親愛之。

東宮顯職，齊王攸與山濤書太子中庶子東宮顯職，加以侍接左右，誠宜得篤茂有行檢之人，必允

衆宜得俊茂。山公啟事中庶子缺，宜得俊茂者以識藝望。宜得俊茂。濟陰太守劉嚴城陽太守石崇參選識藝

過臣遠甚，惟飲酒不及臣。梁謝舉字言揚，覽之弟，幼好學，善清言，與兄覽齊名，嘗侍

宴華林園武帝訪舉于覽覽對曰識藝過臣非為殿下
遠甚惟飲酒不及臣帝大悅轉太子中庶子

作弄臣

隋劉行本為左庶子時左衛率長史夏侯福為
太子所暱嘗于閣內與太子戲福大笑聲聞于

外行本時在閣下聞之待其出行本數之曰殿下寬容
賜汝顏色汝何物小人敢為褻慢因付執法者治之數

日太子為福致請乃釋之太子嘗得良馬令夏侯福乘
而觀之太子甚悅因欲令行本復乘之行本不從正色

而進之曰至尊置臣于庶子之位者欲令輔導殿下以
正道非為殿下作弄臣也太子慙而止時唐令則亦為

左庶子太子暱狎之每令以絃歌教內人行本責之曰
庶子當陳皇太子以正道何有藝昵房帷之間哉令則

甚慚行本卒後太子勇廢文帝曰獨秀江東見左右率
若使劉行本在勇當不及于此

注宮卿奏琵琶歌武媚娘太子勇嘗以歲首宴宮臣左
庶子唐令則自請奏琵琶又

歌武姬娘之曲太子洗馬李綱白勇曰今則身任宮卿
職當調護乃于宴座自比倡優進淫聲惑視聽臣請正
其罪勇曰我欲為樂耳君勿多事綱趨而去及勇廢文
帝召東宮官屬切讓之無敢對者綱曰今日之事乃陛下
下之過非太子罪也勇器非上品性是常人若得賢明
之士輔導之足堪繼嗣皇業方今多士盈朝當擇賢居
任奈以絃歌鷹犬之才居其側致令及此辭氣慄然左
右皆為之失色文帝曰令汝在彼豈非擇人綱曰臣在
東宮非得言之官帝奇其如去一臂唐薛元超永隆二年拜中書令
對擢拜尚書右丞魚太子左庶子
高宗幸東郡太子于京師監國因留元超以侍太子帝
臨行謂元超曰朕之留卿如去一臂但吾子未闕庶務
悉以獨引罪涕泣李義琰授太子右庶子章懷太子之廢也
委卿獨引罪涕泣高宗慰勉宮寮盡捨罪令復其
位庶子薛元超等皆舞蹈謝恩
義琰獨引罪涕泣時論美之
宜知委任輕重杜正倫為左庶子太

宗謂曰國之儲副自古所重分擇善人為之輔佐今太子年幼冲志意未定朕若朝夕見之可得隨事誠約今既委以監國不在目前知卿志懷貞慤能執正諫射獵道故輟卿為朕以匡太子宜知委任輕重也諫射獵吳兢為左庶子主宗東封在路多射獵兢諫曰陛下爰自洛邑將告禪岱宗行經數州屢以畋獵為事誠荒亡之攸漸非致理之所急況登封告成禮客甚大伏願畋遊之事克修威儀又貞觀時太宗文皇凡在巡行則博選識達古今之士以在左右每至前代興亡之地問其所由用為諫誠伏願陛下遵而行之則與夫騁奔馬于礪谷要狡獸于叢林不慎垂堂之危前後四疏諫太子不思馭朽之變不可同日而論也前後四疏諫太子姚琰為太子詹事兼左庶子中宗太子秉性聰明年少未有師傅舉事或不法琰前後上四疏以諫云云

中允

宋百官志漢世太子五日一朝其非朝日即遣僕及中
允旦入請問起居主車馬親族職如太僕宗正漢東京
太子官屬有中允之職在中庶子下洗馬上疑若今中
舍人矣

唐百官志太子中允二人正五品下掌侍從贊相校正
啓奏總司經典膳藥藏內直典設宮門六局皇太子出
則版奏外辦中嚴入則解嚴凡令書下則與司議郎等
畫諾覆審留所畫以為案更寫印署注令諾送詹事府

隋有內允武德二年改曰中舍人隸門下坊貞觀初曰中允永徽三年避皇太子名復改中允曰內允太子廢復舊龍朔二年改中允曰左贊善大夫

六典太子中允二人正五品下

龍朔二年改曰左贊善大夫咸亨元年復為太

子中允而左贊善大夫仍置太子中允職擬黃門侍郎

父子同日賜章服

國朝瑞拱二年賜太子中允陳省華及其子光祿寺丞直史館堯叟五品

服先是堯叟舉進士中甲科上問宰相堯叟父在否呂蒙正曰堯叟父省華見任縣令遽令召至闕下擢授五品常參官未幾父子同日賜章服

司議郎

唐百官志司議郎二人正六品上掌侍從規諫校正啓

奏凡皇太子出入朝謁從祀釋奠講學監國之命可傳

於史冊者錄為記注宮坊詳省官長除拜薨卒歲終則

錄送史館

貞觀十八年置司議郎龍朔二年分左右咸亨元年復舊其後諭德廢而司議郎復分左

右景雲二年改門下坊曰左春坊司議郎以比給事中又龍朔二年改典書坊曰右春坊舍人曰右司議郎

妙選人望

唐貞觀初置太子司議郎妙選人望唐貞觀以來濟為之仍兼集賢館直學恨不得居

此官極為清望

初置司議郎以敬播來濟為之此官極為清望馬周數曰所恨資品望高不得

歷居儒宗

王元感則天時為四門博士撰尚書糾謬十卷春秋振滯二十卷禮記絕愆三十卷并所

注孝經史記策草請官給紙筆寫上秘閣尋下詔曰王
元感質性溫敏博聞強記持前達之失究先聖之旨是
謂儒宗不可多得可授太子司議郎兼崇賢館學士
魏知古嘗稱其書曰信可謂五經之指南也 諭善
箴韋承慶字任休遷太子司議郎儀鳳中詔皇太子賢
監國時太子頗近聲色承慶上書諫之為諭善箴以
獻太子太子善 宜以孝道輔弼 太子司議郎及謁見則
之賜物甚厚 天謂曰卿既能孝于家必能忠于國今
授此職須知朕意宜以孝道輔弼尋卒 百司關啓多由
之南唐國志鍾謨為禮部侍郎時太子異參總庶政謨
求兼春坊不獲乃薦其所知閩武為司議郎百司關
啓多由之

左論德

唐百官志太子左諭德一人正四品下

龍朔二年置左右各一人其後

諭德廢景雲二年改門下坊曰左春坊復置諭德以比散騎常侍

六典太子左諭德一人正四品下掌諭太子以道德皇太子朝宮臣則列侍于左階出入則騎從於正道之左其內外庶政有可為規諷者隨事而贊諭焉

國朝太子左諭德正六品

飲酒肆中

歸田錄仁宗在東宮魯宗道為諭德其居家門外俗謂之浴堂巷側有酒肆號仁和酒公

往往易衣微行飲于其中一日真宗急召公將有所問使者及門而公不在移時乃自肆中飲歸中使遽先入

白乃與公約曰上若怪問來遲當託其事以對幸先見
教始不異同公曰但以實告中使曰然則當得罪公曰
飲酒人之常情欺君臣子之大罪也中使歎而去真宗
果問使者具如公對真宗問公何故私入酒家公對曰
臣家貧無器皿酒肆百物具備賓至如歸適有鄉親遠
來遂與之飲然臣既易服市人亦無識臣者真宗笑曰
卿為官臣恐為御史所彈然自此奇公以為忠實可大
忠實可大用晚年每為章獻太后言後用之

用上

左贊善大夫

唐百官志左贊善大夫五人正五品上掌傳令諷過失
贊禮儀以經教授諸郡王

六典左贊善大夫五人正五品下

龍朔二年改太子中允為之咸亨元年後

置中允而贊善大夫不廢又掌翊贊太子以規諷也皇加置五人職擬諫議大夫

太子出入動靜苟非其德義則必陳古以箴焉

先諫官言事

唐白居易授太子左贊善大夫七月盜殺宰相武元衡居易首上疏論其寃急請捕

賊以雪國恥宰相以官官非諫職不當先諫官言事會有素惡居易者搆撫居易言詞浮華無行貶江州司馬

崇文館學士校書

六典崇文館學士

魏文帝招文儒之士始置崇文館王肅以散騎常侍領祭酒自後無聞貞

觀中崇文館有學士直學士員不常置掌教授學生等業貞觀十三年置崇文館上元二年改避太子名也

掌刊正經籍圖書以教授諸生課試舉送如弘文館

校書二人從九品下

本置讐校開元七年改為校書乾元初以宰相為學士總館事貞元

八年隸左春坊掌校理四庫書籍正其訛謬

東宮學士

唐褚亮幼聰敏好學善屬文博覽無所不至經目必記于心入隋為東宮學士貞觀中改

弘文館學士後進模範

丞有一父都下傳誦而俊邁聰敏絕倫博覽羣書父肩吾為梁太子中庶子掌管記東海徐陵父摛為左衛率陵及信並為抄撰學士父子東宮出

入禁閤恩禮時莫與比陵信文並綺艷故世號為徐見庾體當時後進競相模範每有一文都下莫不傳誦

毀謝病

見舍人門注

司經局洗馬

前漢百官表太子太傅少傅屬官有洗馬

後漢百官志太子洗馬比六百石本注曰舊注云員十六人職如謁者太子出則當直者前驅導威儀蓋洗馬之義也

晉職官志洗馬八人職如謁者秘書掌圖籍釋奠講經則掌其事出則直者前驅導威儀

徐邈問王珉漢置洗馬冠高山冠職如謁者中朝新制

洗馬進賢冠出則在馬前清道故曰洗馬

隋百官志梁典經局洗馬八人位視通直郎後齊典經坊洗馬八人隋司經局置洗馬四人

六典司經局洗馬二人從五品下

國語云夫差令勾踐洗馬晉太子詹事屬官有

洗馬八人掌皇太子圖籍經書職如謁者局准秘書品第七班同舍人次中舍人下絳朝服進賢一梁冠黑介幘宋亦置八人齊一人梁八人班第六正七品陳因之北齊二人從五品上隋門下坊司經局置四人從五品下至大業中減二人皇朝因之龍朔二年改為太子司經大夫咸亨元年復舊神龍二年改司經局曰桂坊罷

隸左春坊領崇賢館三年改司掌經史子集四庫圖籍經大夫曰桂坊大夫糾正違失

刊緝之事立正本副本貯以備供進凡天下之圖書上

於東宮者皆受而藏之

以嚴見憚

前漢汲黯景帝時為太子洗馬以嚴見憚

才學

魏畧裴頠字文林以才學為太子洗

馬殺夫差於姑蘇

韓子勾踐入官于吳執干戈為吳王洗馬故能殺夫差於姑蘇清身

潔已

王隱晉書解系兄弟叔連雅連各清身潔已雅連仕晉至洗馬

同班共事

晉傅咸感別賦

序曰友人魯虎叔雅量宏濟思心遠遠余自少與之相親相愛有如同生其後遷太子洗馬俄而謬蒙朝私猥

忝茲職雖懼不稱而嘉與此子同班共事太子之遇未有若此周旋三載魯生還尚書郎雖則不遠而情甚恨

作茲賦云爾

才不稱職

傅咸申懷賦序曰余自以無施謬為衆論所許補太子洗馬才不稱職意

常歎

章表奏議輒為同官所推

文士傳江統字應元召補洗馬每有疑滯大事

章表奏議輒為同官所推常為之作草

以五事諫

江統為洗馬太子頗好遊宴或闕朝侍統以五

事諫

累葉重光才經文雅弱冠登朝

荀氏家傳遂字道玄拜太子洗馬戴

若思特見推重作詩誦之序曰洗馬荀道才地豈可遊

玄既累葉重光才經文雅所以弱冠登朝

外府

見王府功曹門外府注

入獄數宿鬚髮皆白

宋劉揚字茂謙襲爵建昌公明

帝立欲收物望以攝功臣之後自兼掌左戶郎中推為太子洗馬攝資籍豪富厚自奉養供一身一月十萬宅

宇山池妓妾姿藝皆窮上品才調流瞻善納交遊愛妓陳玉珠明帝遣求不與逼奪之攝頗恨帝令有司誣奏

將殺之攝入獄數宿鬚髮皆白官以人而清

梁庾於陵拜太子洗馬舊

白免死繫尚方奪封與弟賁

東宮官屬通為清選洗馬掌文翰尤其清者近代用人皆取甲族有才望者時於陵與周捨並擢充此職武帝曰官以人而清豈限不空有名襄陽者舊傳李密晉武徵為太子洗馬累詔郡

縣通遣密上疏武帝覽其表曰密不空有名司經局長嘉其誠宣賜奴婢二人郡縣供其祖母膳

官唐常袞為相先是百官俸料寡袞與宰相楊綰奏請加之時韓滉判度支袞與滉各驕私懷所加俸料厚

薄由已太子洗馬實司經局長官文學為之貳袞有親戚任文學者乃給十二千而給洗馬十千其輕重任情

如非得言之官見庶子門公卿奏琵琶注

文學

校書正字

六典文學三人正六品

魏置太子文學魏武為丞相命司馬宣王為文學掾甚為世子

所信與吳質朱鑠陳羣為太子四友自晉之後不置至後周建德三年置太子文學十人後廢皇朝明慶中始

置校書四人正九品下

宋孝建中太子洗馬有校書吏四人此後無聞至北齊有太子

校書郎從九品上隋司經局置校書六人從九品上皇朝減置四人正字二人從九品下

隋司經局置正字二人從九品下文學掌分知經籍侍

賜帝改為正書皇朝復為正字奉文章總緝經籍繕寫裝染之功筆札給用之數皆料

度之校書正字掌校理刊正經史子集四庫之書

侍讀

唐百官志太子侍讀無常員掌講導經學

太宗時晉王府有侍讀及

為太子亦置焉其後或置或否開元初
十王宅引辭學工書者入教亦為侍讀

國朝嘉祐八年五月以太常少卿李受兼侍讀

元祐官品令太子侍讀正七品

腰輿輿於內殿

唐褚無量玄宗在春官召拜國子司業

太子降書嘉勞賚絹四十疋太極元年皇太子國學觀
釋奠令無量講孝經禮記各隨端立義博而且辯觀者
歎服既畢進授為銀青光祿大夫兼賜與章服并綵絹
百段玄宗即位遷郊王傳兼國子祭酒尋以師傅恩遷
右散騎常侍仍兼國子祭酒封晉國公實封二百戶未
幾丁憂解職服闋召拜左散騎常侍復為侍讀以其年
老每隨仗出入特許緩行又為造腰輿令內給使進翼
輿於內殿無量頻上書陳時政得失多見納用

善記上進毛詩纂義

許叔牙少精於毛詩禮記貞觀初累授晉王文學兼侍讀高宗升春

宮遷太子洗馬兼崇賢館學士仍兼侍讀嘗撰毛詩纂義十卷以進皇太子賜帛百段兼令寫本付司經局

獻龍樓箴

王侍讀獻龍樓箴以諷

五日一侍讀

陳夷

翰林學士兼充皇太子侍讀詔以嘲誚罷韋綬充太子五日一入長生院侍太子讀經以嘲誚罷諸王侍讀時

穆宗在東宮方幼好戲綬講書之際雜以嘲誚悅之又綬無威儀以人間鄙說戲言以取悅太子太子因入侍

道綬語憲宗不悅謂侍臣曰凡侍讀者當以經義輔導太子納之軌物而綬語及此子何望焉乃罷侍讀出為

虔州刺史穆宗即位以師友恩召為少財抵法張涉即尚書右丞集賢院學士甚承恩顧

春宮侍讀也後為常侍臣承恩用事坐受財賂事露帝將以法繩之李忠臣奏曰陛下貴為天子而先生以之

財抵法以愚臣觀之非先生問安西宮韋溫兼太子侍讀每晨至少陽

院午見莊恪太子溫曰殿下盛年宜早起學周文王為太子鷄鳴時問安西宮太子幼不能行其言遂稱疾

書依字去旁人韋綬為太子侍讀憲宗召對綬奏曰太子學書至依字輒去傍人臣問之太子

云君父以此字可天下奏事臣子不輔弼之任自有賢合全書上蓋嘉太子之賢賜綬錦綵

薛放性端厚憲宗以儲皇好書求端士輔導經義選充皇太子侍讀及穆宗即位從容宴閒放多在左右密察

機命穆宗嘗謂放曰小子初承大寶懼不克荷先生宜為相以匡不逮放叩頭曰臣實庸淺獲侍冕旒固不足

猥承大位輔弼之任自有賢召居禁中詢訪朝典青宮能其言無矯飾皆此類也

之舊丁公著充皇太子及諸王侍讀著皇太子及諸王官訓十卷穆宗即位未及聽政召居禁中詢訪朝

典以宰相許之公著陳情詞意極切超授給事中
未幾遷工部侍郎兼集賢殿學士寵青宮之舊也
闕忠

孝之良規

劉訥言乾封中歷都水監主簿以漢書授沛
王賢及賢為皇太子累遷太子洗馬兼充侍

讀嘗撰詠諧集十五卷以進太子及賢廢高宗見而怒
之曰劉訥言自府入宮久淹歲月朝遊夕處竟無匡贊

闕忠孝之良規進詠諧之鄙說儲以儒素見稱
王紹宗

少監仍侍皇太子讀書紹宗性澹雅以儒素見稱
當時朝廷文士咸敬慕之張易之兄弟亦加厚禮承兩

宮恩

徐岱字處仁元皇太子及舒王以下侍讀尋改司
封郎中擢拜給事中加魚史館修撰並依舊侍讀

承兩宮恩顧時無與比而謹慎過甚未嘗
洩禁中語亦不談人之短時人以此稱之就嵩山以禮

招聘

孔述唐孤隱於嵩山德宗踐阼以諫議大夫銀章
朱綬玄纁束帛就嵩山以禮招聘述唐既至召對

於別殿特賜第宅給以侍讀借御書讀

李敬玄博覽羣書高宗在東宮馬周啓薦

之召入崇賢館魚預侍讀仍借御書讀之敬玄雖風格高峻有不可犯之色然勤于造請不避寒暑馬周及許

敬宗皆推之題詩太子笏以賜王起字舉之文宗時為皇太子侍讀帝題詩太子笏

以賜詔畫象使殿號當世仲尼又深見親敬玄宗在東宮張說與

國子司業褚無量俱為侍讀深見親敬

讜言直氣宜在左右

呂元膺為同州刺史及中

謝上問時政得失元膺論奏詞氣激切上嘉之翌日謂宰相曰呂元膺有讜言直氣宜留在左右使言得失卿等

以為何如李藩裴垍賀曰陛下納諫超冠百王乃宗社無疆之休臣等不能廣求端士又不能數進忠言孤負

聖心當罪請留元膺給事左右仍兼皇太子侍讀

侍講

國朝元祐官品令太子侍講正七品

數有匡正之辭以嚴見憚

後漢張酺字孟侯顯宗為四姓小侯開學於南宮置五經

師傳以尚書教授數講于御前以論難當意除為郎賜車馬衣裳遂令入授皇太子經酺為人質直守經義每

侍講之際數有匡正之辭以嚴見憚焉

諫申韓刻薄

晉庾亮字元規中興初拜中書郎領著作

侍講東宮其所論釋多見稱述與溫嶠俱為太子布衣之好時元帝方任刑法以韓子賜太子亮諫以申韓刻

薄傷化不足以留

授經講業

唐蕭德言傳涉經史尤精左氏春秋好屬文晚年尤

篤志于學每開五經必盥濯束帶危坐對之高宗為晉王詔德言授經講業及升春宮乃為侍讀

露門

博士

北史儒林傳下沈重字子厚天和六年授驃騎大將軍開府儀同三司露門博士乃於露門館為皇

太子講論語

復在露門教授皇子

樂遜字遵賢保定二年以訓導有方遂遷為中大夫

五年詔魯公斌畢公賢等俱以束脩之禮同受業焉天和五年上表致仕詔不許授湖州刺史秩滿還朝拜皇太子諫議復在露門教授皇太子遜初進爵崇業郡公又為露門博士

伴讀說書

國朝嘉祐中仁宗欲建儲貳乃以司封郎中李受為伴讀尚書屯田員外王獵為說書八年五月以右司諫王陶為尚書戶部員外郎直史館充皇太子位伴讀

尚書屯田員外郎周孟陽秘書丞孫思恭充皇太子

位說書

典膳郎丞

六典典膳局典膳郎二人正六品上

自漢以來並有太子食官北齊門下

坊別置典膳局有監丞各二人監六品下隋改為丞二

正七品下

皇朝因之龍朔二年改為太子典膳郎

人正八品上

北齊丞二人正八品下隋正北品下皇朝升之

郎掌進膳嘗食之事丞為之貳每夕局官於廚更直

減膳

唐邢文偉遷太子典膳丞時孝敬在東宮罕與宮臣接見文偉輒減膳上書曰竊見禮記曰太子既

冠成人免于保傅之嚴則有司過之史徹膳之宰史之義不得不思過宰之義不得不徹膳今皇帝事稽前典妙簡英俊自庶子以下至誥議舍人及學士侍讀等使翼佐殿下以成聖德近者以來未甚延納談議不狎謁見尚稀三朝之後俱與內人獨居何由發揮聖智使睿哲文明者乎今史雖闕官宰當奉職忝備所司不敢逃死謹守禮經輒申減膳太子答曰顧已庸虛早尚墳典每欲研精政術極意書林但在幼年未閑將衛竭誠耽索因即損心比日以來風虛更積中奉恩旨不許重勞所以屢闕坐朝時乖學緒公潛中勗戒式薦忠規敬尋來請良符宿志自非情思審諭義均弼諧豈能進此言行於簡默撫躬三省感愧兼中文偉自此益知名

藥藏郎

六典藥藏局藥藏郎二人正六品上

北齊門下坊領藥藏局有監丞各二

人正六品下侍藥四人正七品隋門下坊領藥藏局監
丞二人侍藥四人監正七品下皇朝改監為太子藥藏
郎丞二人正八品上北齊二人正八品下隋郎掌和齊

醫藥之事丞為之貳凡皇太子有疾命侍醫入診疾以
議方藥應進藥命藥僮擣節之侍醫和成之將進宮臣
監嘗如尚藥局之職

內直郎

六典內直局內直郎二人從六品下齊職儀太子有內
直兵局直兵史二
人五品勳位梁有齋內主璽主衣扶持等局各置有司
以承其事陳因之北齊門下坊領殿內局監二人正六

品下隋門下坊領內直監二人品同北齊皇朝因
之職擬尚輦奉御龍朔二年改曰太子內職郎 丞二

人正八品下

北齊內直郎局有副監四人從六品下隋內職直局有副監二人品同北齊皇朝因

改為郎掌符璽繖扇几案衣服之事丞為之貳

典設郎

六典典設局典設郎四人從六品下

南齊有齋居局齋居庫丞一人梁有

齋內局各置有司以承其事陳因之北齊門下坊有齋司局有太子齋帥司閤帥各二人太子齋帥正八品下隋門下坊領齋帥局有齋帥四人正七品掌湯沐洒掃下皇朝因之龍朔二年改為太子典設郎鋪陳之事凡大祭祀皇太子散齋三日於別殿致齋三

日於正殿前一日設幄坐於正殿東序及室內俱西向
又張幄於前楹下殿若無室則張帷若大禮應供者亦
如之

宮門郎

門大夫

六典宮門局宮門郎二人從六品下

漢太子太傅屬官有太子門大夫後

漢置二人秩六百石職比郎將魏因之晉太子門大夫局准公令班同中舍人主通達近牋表宮門禁防宋品第六秩六百石從駕在詹事後齊梁陳因之皆置一人北齊門下坊置門大夫主簿各一人門大夫從六品上并統伶官西涼清商二部隋曰宮門局置大夫一人從六品上煬帝改為宮門監皇朝復為宮門大夫龍朔二

年改官門郎 丞二人正八品下置皇朝掌內外官門管鑰

之事

前漢書文帝時鼂錯為太子舍人轉太子門大夫

三輔決錄桓帝以平陵魯寬為太子門大夫

太子右春坊

右庶子

唐職官志右春坊右庶子二人正四品下

龍朔二年改右庶子曰右

中護典書坊曰右春坊咸亨復景雲二年門下坊曰左春坊庶子以比侍中右春坊庶子以比中書令太子監

國則庶子
比尚書令

唐官品志

見左庶子門

六典右庶子二人正四品下

其說已具左庶子隋門下坊置左庶子二人以領之

典書坊以右庶子二人領之右庶子正四品下皇朝因之至龍朔二年始改典書坊為右春坊右庶子為太子右中護咸亨元年復舊在東宮職擬中書令掌侍從左右獻納啓奏宣傳令

旨之政令中舍人為之貳

國朝至道元年詔

見左庶子門

元祐官品令右庶子從五品

太子書疏制式

貞觀中詔曰皇太子與百官書疏未有制式近代以來例皆名自無以別貴賤

今凡處分論事之書皇太子並宜畫令右庶子以下各署名宣奉行其餘與諸親及師傅等書皆不在此限

獻賦述儲貳事

李百藥授右庶子時太子頗留意典墳然閒燕之後嬉戲過度百藥作贊道賦

以諷焉辭多不載帝遣使謂百藥曰朕於皇太子處見卿獻賦悉述古儲貳事以誠太子甚是典要朕選卿以輔弼太子正為此事大稱所委但房杜隱太子以房玄須善始令終耳因賜綵物五百段房杜齡杜如晦為太宗所親禮甚惡之遂譖之于高宗由是並被驅斥隱太子有變也太宗令長孫无忌召玄齡及如晦令衣道服潛引入閣計事及太宗入春宮端居守道閉關六年趙擢拜太子右庶子賜絹五千段端居守道閉關六年趙儒字秉文罷相為右庶子宗儒端居守道勤奉朝請而已德宗聞而嘉之二十年遷吏部侍郎召見勞之曰知

卿閉關六年遣戶奴夜以馬撾擊之張玄素轉右庶子時承乾居春宮頗

故有此拜以遊畋廢學玄素諫不能納太宗知玄素在東宮頻有進諫擢授銀青光祿大夫行太子左庶子承乾嫌其數諫遣戶奴夜以馬撾擊之殆至死承乾又嘗于宮中擊鼓聲聞于外玄素叩閭請見極言切諫承乾乃出宮鼓對毀之玄素藥石相報得高季輔授太子右庶子上疏切諫時政以藥石撰諫苑于志寧為左庶子以承乾數虧禮度志相報撰諫苑在匡救撰諫苑二十卷諷之太宗賜黃金十斤

中舍人

魏畧張茂字彥林上便宜擢為太子舍人

晉職官志中舍人四人咸寧四年置以舍人才學美者
為之與中庶子共掌文翰職如黃門侍郎在中庶子下洗
馬上

宋百官志中舍人四人漢東京太子屬官有中允之職
在中庶子下洗馬上疑若今中舍人矣

南齊百官志東宮職僚有太子中舍人

隋百官志梁中舍人四人功高者一人與中庶子祭酒
共掌其坊之禁令又有通事守舍人典法守舍人員後

齊門下坊中庶子通舍人通事守舍人主事守舍人各
四人隋門下坊置內舍人煬帝減內舍人二人

六典太子右春坊太子中舍人二人正五品上

本漢魏太子舍

人也晉惠帝在儲宮以舍人四人有文學才美者與中
庶子共理文書至咸亨二年齊王攸為太傅遂加名為
中舍人位叙同尚書郎其後資高漸擬黃門侍郎班同
門大夫次尚書郎下高功中舍人與高功中庶子共掌
禁令糾正違闕侍從左右備相威儀盡規獻納奏事文
書皆典綜之監盒嘗藥大小會二官舉案正直從大小
駕一人前部護駕一人後部護駕同中庶子日月檢奏
直臣名更直五日典文疏如中書郎宗四人齊一人梁
有四人高功一人與中庶子祭酒共掌其坊之禁令班
第八正六品陳因之後魏第五品上北齊門下坊有四

人品同後魏隋改為太子內舍人四人正五品上
煬帝減二人皇朝復為中舍人職擬中書侍郎

職

見右庶子

唐百官志右春坊中舍人二人正五品中庶子掌侍從
獻納啓奏中舍人為之貳皇太子監國下令則畫日至

春坊則庶子宣傳中舍人奉行

隋內舍人隸典書坊武德初改曰中舍人永徽

元年避太子名改中舍人曰內舍人
龍朔二年改中舍人曰右贊善大夫

國朝官品令太子中舍人從七品

詣伏生受尚書

前漢書文帝使鼂錯受尚書伏生所還拜太子舍人美麗自喜董賢

為太子舍人哀帝即位為郎傳漏殿五日洗沐交知皆下賢為人美麗自喜上見而悅之

天下名士

漢雜事鄭當時為太子舍人每五日洗沐常置驛馬長安請謁賓客以夜繼日常恐不徧

然其交知皆天下名士

嚴而有威

東觀漢記侯霸字君房為置針人嚴而有威為太子舍人

種中

晉杜錫預之子為太子中舍人性亮直忠烈屢諫愍懷太子言辭懇切太子患之後置針于錫常所

坐種中刺之流血他日太子問之錫對以醉不知太子曰君喜責人何自作過也

出則驂乘入

侍左右

荀悅漢記董賢少為太子舍人美麗自喜上即位見幸出則驂乘入侍左右

舍人

前漢百官表太子太傅少傅屬官有太子舍人

後漢百官志太子舍人二百石本注曰無員更直宿衛

如三署郎中

漢官曰十三人選良家子孫

凡初即位未有太子官屬

皆罷為舍人不省領屬少府

晉職官志舍人十六人職比散騎中書等侍郎

宋百官志無員掌宿衛如三署郎中

隋百官志梁舍人十六人掌文記後齊典書坊舍人二十人隋典書坊舍人八人煬帝改為太子舍人為管記舍人減置四人

摯虞決疑要注太常弟子通三經補太子舍人晉置十
六人掌表啓

唐百官志右春坊太子舍人四人正六品上掌行令書
表啓諸臣上皇太子大事以牋小事以啓其封題皆上
右春坊通事舍人開封以進其事可施行者皆下於舍
人與庶子參詳之然後進不可則否

六典太子舍人四人正六品下

漢成帝時太學弟子三千人王莽秉政歲課一

科二十人爲太子舍人晉十六人品第七班同食官令
在洗馬下掌表啓牋疏高功一人與高功庶子共掌一坊

禁令糾諸逋違從駕則正直從次直守妃出則次直從
宋四人齊一人梁庶子下有太子舍人十六人職如晉
氏班第三從八品陳因之後魏有太子舍人員北齊二
十人從第六品隋八人皇朝四人龍朔二年改為太子
右司議郎咸亨元
年復為太子舍人

掌侍從行令書令旨及表啓之事

國朝元祐官品令太子舍人從七品

名問

晉書王衍以名問起為太子舍人

機雲不及

晉中興書顧榮字彥先時吳朝人士入洛

者陸機陸雲及榮三人而已機雲雖有才藻清
潔不及榮也選補吳王郎中令遷太子舍人

經博有

美於張華

晉諸公讚張華博識多聞無物不知盧浮舉
高郎經博有美於張華起家為太子舍人

為大臣以慰後聞之士

山濤啓事臣近舉汜源為太子舍人源見稱有德素久沈滯舉

為大臣欲以應對開敏

沈約宋書王僧達太保弘之少子也文帝聞其早慧召見德陽

慰後聞之士應對開敏正情過於沆文章不減漑

梁

好學善屬文為太子舍人洽天監初與漑俱蒙擢用尤見賞識弟沆亦齊名高祖

問待詔丘遲曰到洽何如沆漑對曰正一作情過於沆文章不減漑加以清言殆

將難及即召為太子舍人賦詩賜帛到洽為太子舍人

及沆蕭琛任昉侍醢賦二十韻詩以洽辭為工賜帛二十疋高祖謂昉曰諸到可謂才子昉對曰臣嘗竊議宋

得其文武梁出總庶政入為賓友後魏書崔玄伯少有雋才號曰冀州神童苻融

救冀州虛心禮敬拜陽平公管征東記室出總庶政入為賓友衆務修理處斷無滯苻堅聞而奇之召為太子

舍人兼東宮學士

隋李百藥開皇初為通事舍人遷太子舍人兼東宮學士或嫉其才而毀之乃

謝病來李

唐李義府貞觀中以太子舍人加崇賢館學士與議郎來濟俱以文翰知名時人謂之來

李諫召女樂

玄宗在東宮盛揮宮寮拜賈曾為太子舍人時太子頻遣使訪召女樂曾啓諫並令

禁斷太子手令答曰比嘗聞公直正信亦不虛許寡人近日頗尋典籍至于政化偏所留心女樂之徒亦已禁

斷公之所言雅符本意

黃逋村中何嘗有

吳國志楊廷式憲臣舉明經為京官將除太常

博士既而除太子舍人甚恚鄉人翁承贊聞之謂人曰吾進士及第宏辭登科求一直館學士尚未得廷式乃悟曰黃逋村中何嘗有太子舍人吾幸多矣乃就官

右諭德

唐百官志右春坊右諭德一人品如左春坊

注見左

六典右諭德一人正四品下

龍朔二年置職擬右散騎常侍

掌如其左

凡皇太子朝宮臣則列侍於右階之下出入則騎從於正道之右

國朝元祐官品令太子右諭德正六品

右贊善大夫

唐百官志右贊善大夫五人正五品上

龍朔二年改中舍人曰右贊善

大夫儀鳳四年置左右贊善大夫各十人以同姓為之景龍二年始兼用庶姓以此諫議大夫

六典太子右贊善大夫五人正五品上

龍朔二年改太子中允為右贊

善大夫咸亨元年復為中允而贊善大掌如其左凡皇夫不廢又加置五人職比諫議大夫

太子朝宮臣則列於右階之下

侍直

唐貞元十六年以山人崔芋為右贊善大夫侍直新名也

通事舍人

隋百官志梁通事舍人二人視南臺御史多以餘官兼職後齊門下坊通事守舍人四人隋典書坊通事舍人八人

六典太子通事舍人八人正七品下

齊職儀中庶子下有門下通事守舍

人四人三品勲錄叙武冠朱服又庶子下有內典書通事舍人品服同舍人擬中書通事舍人掌宣傳令旨內外啓奏梁中庶子有通事舍人一人視南臺御史並一班從九品陳因之隋煬帝改太子通事舍人為宣令舍人皇朝復為掌導引東宮諸臣辭見之禮及臣下勞問通事舍人

之事凡大朝謁及正冬百官與諸方之使者參見東宮亦如之若皇太子行先一日京文武官職事九品以上奉辭及還宮之明日參見亦如之

國朝至道初壽王府內知客王繼英為左清道率府副率兼左春坊謁者

謁者本內侍之職東宮無此名只有太子通事舍人今繼英以士為謁者

之職天禧中亦承其故有司之失也

長於政事

梁殷不害長於政事兼飾以儒術為東宮通事舍人時朝政多委東宮不害與舍人庾肩

吾直日奏事梁武帝謂肩吾曰卿是文學之士吏事非卿所長何不使殷不害來耶其見知如此

太子內坊

典內

六典太子內坊典內二人從五品下

晉有太子寺人監員又齊職儀太子

三卿校各有寺人一人隋文帝始置太子內坊有典丞內等員皇朝因之開元二十七年內坊隸內侍省

二人從七品下

隋文帝置典直四人正九品下

隋內坊置丞四

人皇朝改
曰典直

典內掌東宮閤內之禁及宮人糧廩賜予之出入丞為
之貳凡任典直以儀式導客主之儔序任閤帥以門戶
任內閤以出入任給使以繖扇任內厩以車輿任典事
以牛馬典內統而監主之凡皇太子妃之親內命婦母
并郡主合乘車出入者亦監之凡宮人命婦亡葬之制
皆率其屬而供其職

太子內官

六典太子內官

漢書曰太子有妃有良娣又有孺子妾凡三等歷代因之至明帝更為太子置

內職二等有寶林良娣齋建元中太子宮置三內職良娣比闕內侯寶林比五等侯才人駙馬都尉隋初始定

制皇朝因之

良娣二人良媛六人承徽十人昭訓十六人奉儀二十四人

司閤

掌正

掌書

掌筵

司則

掌嚴

掌縫

掌藏

司饌

掌食

掌醫

掌園

六典司閤從六品掌導引妃及宮人名簿以總掌正掌書掌筵知三司出內

掌正從八品掌文書出入錄目為記并閤管鑰糾察推罰女使流外三品掌典文簿而執行焉

餘女使視此

掌書從八品掌寶及符契經籍宣傳啓奏教學廩賜及紙筆監印

掌筵從八品掌帷幄牀褥几案舉繖扇洒掃鋪設及賓

客

司則從六品掌禮儀參見以總掌嚴掌縫掌藏而領其事

掌嚴從八品掌飾衣服巾櫛膏沐服玩仗衛


掌縫從八品掌裁縫衣服織績

掌藏從八品掌金玉珠寶財貨錦繒繡綵出入

司饌從六品掌膳羞進食先嘗以總掌食掌醫掌園而領其事

掌食從八品掌膳羞酒醴燈燭柴炭及宮人食料器皿
掌醫從八品掌醫藥伎樂

掌園從八品掌園苑種植蔬菓



職官分紀卷二十八

欽定四庫全書

子部
職官分紀卷二十九至三十一

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣吳舒帷

謄錄監生臣開淮

欽定四庫全書

職官分紀卷二十九

宋 孫逢吉 撰

太子家令寺 家令丞簿

前漢百官志詹事秦官掌皇后太子家有丞屬官太子

家令丞

太子稱家故曰家令丞茂陵中書太子家令秩八百石

後漢百官志太子家令一人千石本注曰主倉穀飲食

職似司農少府

晉職官志家令主刑獄穀貨飲食職比司農少府漢東京主食官令倉官令及晉自為官不復屬家令

宋書太子家令主內茵褥牀几諸供中之物及官奴婢月用錢內庫鹽米車牛刑獄

隋百官志梁家令率更令僕各一人家令自宋齊以來清流者不為之大監六年帝以三卿陵替乃詔革選家令視通直常侍率更僕視黃門三等皆置丞中大通三年以昭明太子妃居金華宮又置金華家令後齊家令

領食官典倉司藏等署令丞隋領內坊令丞隋家令率更令僕各一人三等各置丞錄事家令領食官典倉司藏三署令丞煬帝改家令為司府令

唐百官志太子家令寺令一人

從四品上

丞二人主簿一人

錄事一人

唐書官品志家令掌刑法食膳倉庫什物奴婢等事

六典太子家令寺家令一人從四品上

後漢太子少傅屬官有家令秩

千石魏因之晉家令品第五銅印墨綬進賢兩梁冠絳朝服晉太康八年詔曰太子家令率更令僕東宮之達

官也宜進品第五與中庶子二率同宋齊太子家令清流皆不為之復魏太子三卿從三品上太和二十二年降四品上隋煬帝改家令為司人令皇朝復為承二人家令龍朔二年改官府寺大夫咸亨元年復舊

從七品上

漢家令有丞從漢魏無聞宋家令丞一人晉置宋齊因之梁陳丞一人位不登十八班者

別為七班家令丞七班從魏太和二十二年太子三卿丞從六品下北齊一人隋二人皇朝因之龍朔二年改

為官府丞咸亨復舊

主簿一人正九品下

晉家令署主簿宋齊因之齊職儀家令主簿一

人四品熟位掌提署諸曹事梁陳後魏無聞北齊家令有令簿員隋一人皇朝因之家令之職掌

皇太子之飲膳倉儲庫藏之政令總食官典倉司藏三

署之官屬凡皇太子備禮出入則乘輅車具威儀先諸

臣以導引若祭祀賓客則供酒食以為獻主丞掌判寺
事凡食官典倉司藏之出入籍其名數以時刺于詹事
主簿掌印及勾檢稽失

智囊

前漢文帝以罷錯為太子家令多所獻納稱為智囊

辭禮閒雅

既受字公子為太子家令

恭擅敏而有辭室帝置酒太子宮受奉觴上壽辭禮閒雅上甚悅之

諫遊觀

蜀志譙周後主為太子以

周為家令後主頗出遊觀增廣聲樂周上疏諫曰昔王莽之敗豪傑并起跨州據郡欲弄神器世祖初入河北

賢才智士思望所歸未必以其勢之廣狹惟其德之深厚也

忠心

晉武帝詔曰太子家令陸亮有忠心

可補吏部郎中

識沈家令

梁沈約嘗侍宴梁武帝時有奴婢者是齊文惠太子宮人帝問識坐中客

不曰唯識沈家令約伏地東齊文惠太子入居沅涕帝亦悲為之罷酒特被親遇按尉曹書記時特被親遇每旦號宮體徐摘切好學及入見影斜方出尋遷太子家令號宮體長編覽經史屬文好為新變不拘舊體為梁晉安王侍讀王為皇太子聘家令兼管書記大體既別春坊並掌之宮體之號自斯而起

食官署令丞

六典食官署令一人從八品下

漢唐事屬官有食官令長丞後漢太子少傅屬

官有太子食官令一人秩六百石主徵食晉食官令職如太官令宋中庶子屬官有食官令齊唐事屬官有食官令齊職儀食官令一人三品熱位掌厨膳之事梁庶子有食官局陳因之後魏五品上比齊令丞又別顧器

局酒局二丞隋家令寺丞二人從九品下兩漢食官皆有丞魏晉宋
統食官令丞皇朝因之
無聞齊建中初置食官丞四人梁選簿有食官丞三品
無位北齊太子食官丞一人隋食官丞二人皇朝因之
令掌飲膳之事丞為之貳

典倉署令丞

六典典倉署令一人從八品下

後漢太子少傅屬官有太子倉令一人六百石

主倉穀魏晉以下無聞後魏第五品中北齊家令寺碩
典倉署令丞典倉署又別領園丞隋家令寺統典倉令
丞皇朝丞二人從九品下隋典倉丞二人皇朝因之
令掌九穀入藏

之數及醢醢庶羞器皿燈燭之事舉其名數而司其出

納凡諸園圃樹藝者皆受令焉丞判署事

司藏署令丞

六典司藏署令一人從八品下

晉家令主物吏四人梁庶子屬官有錫賜庫局

丞又有東宮衛庫丞為三品勳位北齊家令寺顧司藏署令丞司藏又別領仗庫典作二局丞隋家令統司藏署令丞皇丞二人從九品下
隋有司藏丞二人皇朝因之令掌庫藏

財貨出納營繕之法式丞判署事

太子率更寺

令丞

主簿

前漢百官表詹事秦官屬官有太子率更令

掌知刺漏故曰率更

後漢百官志太子率更令一人千石本注曰主庶子舍人更直職似光祿勳掌宮殿門戶之禁即將屯衛之士晉職官志率更令主宮殿門戶及賞罰事職如光祿勳衛尉

晉起居注武帝太康八年詔太子率更僕東宮之達官也其進品第五秩與中庶子左右衛率同職擬光祿勳宋百官志漢東宮掌庶子舍人晉世則否自漢至晉家令在率更下宋則居上隋百官志梁率更令一人後齊

領中盾署令丞各一人隋率更令一人置丞錄事

唐職官志太子率更寺令一人

從四品上

丞二人主簿一人

錄事一人率更掌宗族次序禮樂刑罰及漏刻之政令

唐書官品令率更令掌伎樂漏刻

六典太子率更寺令一人從四品上

後漢太子少傅屬官有太子率更令

魏因之晉唐事屬官有太子率更令一人銅印墨綬遊賢兩梁冠絳朝服太康八年進品第五宋齊因之梁率

更令視黃門陳因之後魏太和二十二年為從四品上北齊唐事率更令有丞功曹主簿領中盾置令丞各一

人掌周衛禁防漏刻鐘鼓隋率更寺令一人皇朝因之龍朔三年改為司更大夫咸亨元年復舊

丞一

人從七品上

後漢一人秩四百石魏晉宋齊梁更令一人後魏太子三卿丞從六品下北齊隋皇

朝皆一人主簿一人正九品下

晉車更令置主簿一人宋無聞齊職儀為四品兼位梁陳

後魏無聞北齊隋太子率更寺主簿一人皇朝因之

令掌宗族次序禮樂刑罰及

漏刻之政令凡皇太子釋奠於先聖先師講學齒胄皆

總其儀注而為之導引若皇太子備禮出入則乘輅車

位亞家令焉

丞掌判禮樂刑獄之事凡宮臣有犯理於率更者皆親

問之乃斷其罪上于詹事

主簿掌印及勾檢稽失凡宗族不序禮儀不節音律不諧漏刻不審刑名不法舉而正之

以師道處之

隋書明克讓轉率更令進爵為侯太子以師道處之思禮甚厚有四方珍味輒以賜

之于時東宮盛徵天下才學之士至于博物洽聞皆出其下

狀貌醜異

唐文德皇后崩百官縗經

率更令歐陽詢貌醜異衆或指之許敬宗見而大笑為御史所劾左授洪州都督府司馬清賢士物

論今有太子率更令呂子藏清賢士也

太子僕寺

僕丞

主簿

前漢百官表詹事秦官有太子僕

後漢百官志太子僕一人千石本注曰主車馬職如太僕

晉職官志僕主車馬親族職如太僕宗正

晉起居注

見家令

宋百官志僕一人漢世太子五日一朝非入朝日遣僕及中允旦入請問起居自家令至僕為太子三卿三卿秩千石

宋起居注元嘉中以散騎常侍荀伯子為太子僕

沈約宋書太子僕秦官也

隋百官志梁太子僕一人後齊僕寺領廐牧署令丞署
又別有車輿局丞隋太子僕一人置丞錄事僕寺領廐
牧令員

六典太子僕寺僕一人從四品上

晉唐事屬官有太子僕卿印墨綬進賢兩

梁冠絳朝服太康八年進品第五宋齊品秩冠服同家
令從駕乘安車次家令梁太子僕視黃門陳因之後魏
品同家令北齊唐事領太子僕僕寺置丞功曹主簿領
廐牧署丞又別有車輿局丞隋僕一人掌宗族親踈車
輿騎束頤廐牧署令丞皇朝因之龍丞一人從七品上
朔二年改取僕大夫咸亨元年復舊

梁太子僕有丞陳因之後魏太子僕三丞從
六品下北齊隋太子僕丞一人皇朝因之主簿一人

正九品下

晉太子僕置主簿宋無聞職儀太子僕主簿
四品勳位梁陳後魏無聞北齊隋主簿一人

皇朝因之僕掌車輿騎乘儀仗之政令及喪葬之禮物辨其

次序與其出入而供給之皇太子車輅三一曰金輅二

曰輅車三曰四望車凡皇太子備禮而出則率廐牧令

進輅僕親馭馬丞掌判寺事主簿掌印及勾檢稽失

柳肅面折

隋柳肅達太子僕太子康坐除名為民大業
中帝與段達語及庶人罪惡之狀達曰柳肅

在宮大見跡斥帝問其故答曰學士劉臻嘗進人教太
子于宮中為巫蠱事肅知而諫曰殿下帝之家子位當

儲貳誠在不孝無患見疑劉臻書生鼓搖唇舌適足以相誑誤願陛下勿納之庶人不憚也日謂臻曰汝何故漏洩使柳肅知之今面折我

廐牧署令丞

六典廐牧署令一人從八品下

漢唐事屬官有太子廐長丞僕漢太子少傅屬

官有太子廐長一人秩四百石主車馬魏晉因之齊職儀來宮屬有內廐局外廐局梁陳因之後魏有太子廐

位九品下隋太子僕寺統廐署牧令丞皇朝因之丞二人從九品下漢有太子廐丞自後

關文齊太子內外廐丞各一人梁陳因之北齊有太子廐牧署丞車輿局丞隋太子僕寺統廐牧丞二人皇朝

之因令丞掌車馬閑廐牧畜之事凡皇太子將備禮而出

則率典乘先期調習輅馬率駕士駕馭車乘及出則進輅或輅車於西閭外南面以俟皇太子之升禮畢皇太子降輅則自西輅之外以輅及輅車歸于署其隴右羣牧隸於東宮者皆受其政令焉

職官分紀卷二十九